



Crna Gora
Ministarstvo vanjskih poslova
Generalni direktorat za Evropsku uniju

Adresa: Stanka Dragojevića 2
81000 Podgorica, Crna Gora
tel: +382 416 362
fax: +382 20 225 702
www.gov.me/mvp

Br: 7/A-904/25-4831

7. novembar 2025.

PLATF O R M A

za učešće potpredsjednika Vlade za međunarodne odnose i ministra vanjskih poslova mr Ervina Ibrahimovića na sastanku ministara vanjskih poslova država članica EU u okviru zasijedanja Savjeta za vanjske poslove (FAC) u proširenom formatu, Brisel, 19. novembar 2025. godine

I UVOD

Potpredsjednik Vlade i ministar vanjskih poslova mr Ervin Ibrahimović, na poziv visoke predstavnice EU za vanjske poslove i politiku bezbjednosti Kaje Kalas, učestvovaće na sastanku ministara vanjskih poslova država članica EU u okviru zasijedanja Savjeta za vanjske poslove (FAC) u proširenom formatu, koji će se održati u Briselu, 19. novembra 2025. godine.

Zasijedanje Savjeta za vanjske poslove (FAC) u proširenom formatu predstavlja politički i funkcionalni instrument "rane integracije", budući da omogućava državama kandidatima da, kroz razmjenu mišljenja o temama od značaja u oblastima vanjske politike, bezbjednosti i zajedničkih vrijednosti, učestvuju postepeno u političkim procesima i strateškim raspravama EU.

I ZNAČAJ UČEŠĆA

Učešće potpredsjednika Vlade i ministra vanjskih poslova na sastanku ministara vanjskih poslova država članica EU u okviru zasijedanja Savjeta za vanjske poslove u proširenom formatu predstavlja priliku za potvrđivanje nedvosmislenog opredjeljenja Vlade na evropskom putu Crne Gore i njenoj posvećenosti ispunjavanju obaveza iz evropske agende kako bismo postali punopravna članica do 2028. godine.

Na sastanku ministara vanjskih poslova zemalja članica EU i ministara vanjskih poslova država Zapadnog Balkana biće riječi o globalnim i regionalnim izazovima i njihovom implikacijama, te načinima putem kojih se zajedničkim naporima isti mogu prevazići.

S tim u vezi, predstojeći sastanak Savjeta za vanjske poslove u proširenom formatu predstavlja mogućnost za razmjenu mišljenja i reafirmaciju bliske saradnje zemalja Zapadnog Balkana i Evropske unije. Zajedničkim djelovanjem EU i regiona Zapadnog Balkana može se doći do konsenzusa o sprovođenju neophodnih mjera u cilju odgovora na aktuelne krize i daljeg jačanja našeg jedinstva i partnerstva.

II SASTAV DELEGACIJE

Delegaciju Crne Gore koju će predvoditi potpredsjednik Vlade za međunarodne odnose i ministar vanjskih poslova mr Ervin Ibrahimović činiće:

1. Petar Marković, ambasador, šef Misije Crne Gore pri EU;
2. Ivan Ivanišević, v.d. generalnog direktora za Evropsku uniju;
3. Jovana Duković, prva sekretarka u Kabinetu ministra vanjskih poslova.

Troškove učešća crnogorske delegacije na sastanku u Briselu snosi Ministarstvo vanjskih poslova.

Zadužuje se Ministarstvo vanjskih poslova da o navedenom učešću pripremi i Vladi dostavi izvještaj.